

RIALACHÁN CUR CHUN FEIDHME (AE) 2021/2029 ÓN gCOIMISIÚN**an 19 Samhain 2021****lena n-údaraithear 3-fúcaishiollachtóis (3-FL) a chur ar an margadh mar bhia núíosach faoi Rialachán (AE) 2015/2283 ó Pharlaimint na hEorpa agus ón gComhairle agus lena leasaítear Rialachán Cur Chun Feidhme (AE) 2017/2470 ón gCoimisiún****(Téacs atá ábhartha maidir le LEE)**

TÁ AN COIMISIÚN EORPACH,

Ag féachaint don Chonradh ar Fheidhmiú an Aontais Eorpaigh,

Ag féachaint do Rialachán (AE) 2015/2283 ó Pharlaimint na hEorpa agus ón gComhairle an 25 Samhain 2015 maidir le bianna núíosacha, lena leasaítear Rialachán (AE) Uimh. 1169/2011 ó Pharlaimint na hEorpa agus ón gComhairle, agus lena n-aisghairtear Rialachán (CE) Uimh. 258/97 ó Pharlaimint na hEorpa agus ón gComhairle agus Rialachán (CE) Uimh. 1852/2001 ón gCoimisiún ⁽¹⁾, agus go háirithe Airteagal 12 de,

De bharr an mhéid seo a leanas:

- (1) Foráiltear le Rialachán (AE) 2015/2283 nach bhféadfar ach bianna núíosacha atá údaraithe agus atá curtha ar liosta an Aontais a chur ar an margadh laistigh den Aontas.
- (2) De bhun Airteagal 8 de Rialachán (AE) 2015/2283, glacadh Rialachán Cur Chun Feidhme (AE) 2017/2470 ón gCoimisiún ⁽²⁾ lena mbunaítear liosta an Aontais de bhianna núíosacha údaraithe.
- (3) An 1 Deireadh Fómhair 2019, chuir an chuideachta DuPont Nutrition & Biosciences ApS (“an t-iarratasóir”) iarratas faoi bhráid an Choimisiúin i gcomhréir le hAirteagal 10(1) de Rialachán (AE) 2015/2283 chun 3-fúcaishiollachtóis (3-FL), rud a fhaightear trí choipeadh miocróbach le tréithchineál géinmhodhnaithe de *Escherichia coli*, mar atá tréithchineál K12 MG1655, a chur ar mhargadh an Aontais mar bhia núíosach. D’iarr an t-iarratasóir cead 3-FL a úsáid mar bhia núíosach i dtáirgí bainne neamhbhlaistithe paistearaithe agus táirgí bainne neamhbhlaistithe steirilithe (Teocht Ultra-Ard, “UHT”, san áireamh), i dtáirgí bainnebhunaithe coipthe idir bhlaistithe agus neamhbhlaistithe, táirgí teaschoireáilte san áireamh, i mbarraí gránaigh, analóga déiríochta agus iógart neamhdhéiríochta, i ndeochanna (deochanna blaitithe, deochanna fuinnimh, deochanna spóirt), i mbainne foirmle do naíonáin agus bainne foirmle leantach do naíonáin mar a shainmhínítear i Rialachán (AE) Uimh. 609/2013 ó Pharlaimint na hEorpa agus ón gComhairle ⁽³⁾, i mbia gránachbhunaithe próiseáilte mar a shainmhínítear i Rialachán (AE) Uimh. 609/2013, i mbia do naíonáin agus do leanaí óga mar a shainmhínítear i Rialachán (AE) Uimh. 609/2013, i mbianna ionadacha ar an aiste bia iomlán chun meáchan a rialú mar a shainmhínítear i Rialachán (AE) Uimh. 609/2013, i mbia chun críoch speisialta míochaine mar a shainmhínítear i Rialachán (AE) Uimh. 609/2013, i ndeochanna bainnebhunaithe agus táirgí comhchosúla le haghaidh leanaí óga, agus i bhforbhianna le haghaidh an phobail i gcoitinne, cé is moite de naíonáin, mar a shainmhínítear i dTreoir 2002/46/CE ó Pharlaimint na hEorpa agus ón gComhairle ⁽⁴⁾. Le linn an phróisis iarratais, d’aontaigh an t-iarratasóir gan leanaí óga (faoi bhun 3 bliana d’aois) a chuimsiú faoi raon feidhme na hiarrata ar údarú úsáid an bhia núiosaigh i bhforbhianna. Ina theannta sin mhól an t-iarratasóir nár cheart forbhianna ina bhfuil 3-FL a úsáid má itear bianna eile arna mbreisiú le 3-FL ar an lá céanna.

⁽¹⁾ IO L 327, 11.12.2015, lch. 1.

⁽²⁾ Rialachán Cur Chun Feidhme (AE) 2017/2470 ón gCoimisiún an 20 Nollaig 2017 lena mbunaítear liosta an Aontais de bhianna núíosacha i gcomhréir le Rialachán (AE) 2015/2283 ó Pharlaimint na hEorpa agus ón gComhairle maidir le bianna núíosacha (IO L 351, 30.12.2017, lch. 72).

⁽³⁾ Rialachán (AE) Uimh. 609/2013 ó Pharlaimint na hEorpa agus ón gComhairle an 12 Meitheamh 2013 maidir le bia a cheaptar lena úsáid mar bhia do naíonáin agus do leanaí óga, maidir le bia chun críocha speisialta míochaine, agus maidir le hionadach ar an aiste bia iomlán chun meáchan a rialú agus lena n-aisghairtear Treoir 92/52/CEE ón gComhairle, Treoracha 96/8/CE, 1999/21/CE, 2006/125/CE agus 2006/141/CE ón gCoimisiún, Treoir 2009/39/CE ó Pharlaimint na hEorpa agus ón gComhairle, agus Rialachán (CE) Uimh. 41/2009 agus (CE) Uimh. 953/2009 ón gCoimisiún (IO L 181, 29.6.2013, lch. 35).

⁽⁴⁾ Treoir 2002/46/CE ó Pharlaimint na hEorpa agus ón gComhairle an 10 Meitheamh 2002 maidir le comhfhogasú dhlíthe na mBallstát a bhaineann le forbhianna (IO L 183, 12.7.2002, lch. 51).

- (4) Ina theannta sin, an 1 Deireadh Fómhair 2019, d'iarr an t-iarratasóir ar an gCoimisiún go gcosnófaí sonraí dílseánaigh i gcás roinnt staidéar a cuireadh isteach mar thaca leis an iarratas, eadhon na sonraí tréithrithe mionsonraithe maidir le tréithchineál baictéarach an táirgthe ⁽⁷⁾; próiseas táirgthe an bhia núiosaigh ⁽⁸⁾; na hanailísí ar na baisceanna éagsúla 3-FL ⁽⁹⁾; na tuarascálacha anailíseacha maidir le tréithriú 3-FL trí athshondas maighnéadach núicléach ("NMR") agus an 3-FL atá i mbainne an duine go nádúrtha ⁽¹⁰⁾; na tuarascálacha maidir le cobhsaíocht 3-L ⁽¹¹⁾; na tuarascálacha measúnachta maidir le hiontógaíl 3-FL ⁽¹²⁾; tástáil bhaictéarach ais-sócháin ⁽¹³⁾; tástáil mhicreanúicléis *in vitro* ar luchá ⁽¹⁴⁾; tástáil mhicreanúicléis *in vitro* ar chealla ubhagáin an hamstair Shínigh ⁽¹⁵⁾; tástáil *in vitro* saobhadh crómasóim i gcealla mamach, tástáil a rinneadh ar limfícíítí daonna ⁽¹⁶⁾; tástáil géarthocsaineachta béil ar fhrancaigh ⁽¹⁷⁾; staidéar tocsaineachta béil 90 lá ar fhrancaigh, lena n-áirítear anailís séirim agus fuail ⁽¹⁸⁾; staidéar tocsaineachta béil 6 lá ar bhainbh ⁽¹⁷⁾; agus staidéar 3 seachtaine tocsaineachta béil ar bhainbh nuabheirthe ⁽¹⁸⁾.
- (5) An 29 Eanáir 2020, i gcomhréir le hAirteagal 10(3) de Rialachán (AE) 2015/2283, d'iarr an Coimisiún ar an Údarás Eorpach um Shábháilteacht Bia ("an tÚdarás") measúnú a dhéanamh ar 3-FL mar bhia núiosach.
- (6) An 25 Bealtaine 2021, ghlac an tÚdarás a thuairim eolaíoch maidir le sábháilteacht 3-Fúcaishiollachtóis (3-FL) mar bhia núiosach de bhun Rialachán (AE) 2015/2283 ⁽¹⁹⁾.
- (7) Ina thuairim eolaíoch, chinn an tÚdarás go raibh 3-FL sábháilte faoi na coinníollacha úsáide atá beartaithe do na spriocghrúpaí atá beartaithe. Dá bhrí sin, tugtar foras leordhóthanach leis an tuairim eolaíoch sin lena suí go bhfuil 3-FL i gcomhréir le hAirteagal 12(1) de Rialachán (AE) 2015/2283 nuair a úsáidtear é sna táirgí seo a leanas – táirgí bainne neamhbhlaitithe paistearaithe agus táirgí bainne neamhbhlaitithe steirilithe (Ultra Ard-Teocht, "UHT", san áireamh), táirgí bainnebhunaithe coipthe idir bhlaitithe agus neamhbhlaitithe, táirgí teaschoireáilte san áireamh, barraí gránaigh, analóga déiríochta agus iógairt neamhdhéiríochta, deochanna (deochanna blaitithe, deochanna fuinnimh, deochanna spóirt), bainne foirmle do naíonáin agus bainne foirmle leantach do naíonáin mar a shainmhínítear i Rialachán (AE) Uimh. 609/2013, bia gránachbhunaithe próiseáilte agus bia do naíonáin agus do leanaí óga mar a shainmhínítear i Rialachán (AE) Uimh. 609/2013, bianna ionadacha ar an aiste bia iomlán chun meáchan a rialú mar a shainmhínítear i Rialachán (AE) Uimh. 609/2013, bia chun críoch speisialta míochaine mar a shainmhínítear i Rialachán (AE) Uimh. 609/2013, deochanna bainnebhunaithe agus táirgí comhchosúla le haghaidh leanaí óga, agus forbhianna le haghaidh an phobail i gcoitinne mar a shainmhínítear i dTreoir 2002/46/CE, maille le srianta i gcás naíonán agus leanaí óga.
- (8) Sa tuairim eolaíoch ón Údarás, mheas sé nach bhféadfadh sé teacht ar a chuid conclúidí maidir le sábháilteacht 3-FL gan na sonraí ó na sonraí tréithrithe mionsonraithe maidir le tréithchineál baictéarach an táirgthe; próiseas táirgthe an bhia núiosaigh; na hanailísí ar na baisceanna éagsúla 3-FL; na tuarascálacha anailíseacha maidir le tréithriú 3-FL trí athshondas maighnéadach núicléach ("NMR") agus an 3-FL atá i mbainne an duine go nádúrtha; na tuarascálacha maidir le cobhsaíocht 3-L; na tuarascálacha measúnachta maidir le hiontógaíl 3-FL; tástáil bhaictéarach ais-sócháin; tástáil micreanúicléis *in vitro* ar luchá; tástáil mhicreanúicléis *in vitro* ar chealla ubhagáin an hamstair Shínigh; tástáil *in vitro* saobhadh crómasóim i gcealla mamach, tástáil a rinneadh ar limfícíítí daonna; tástáil géarthocsaineachta béil ar fhrancaigh; staidéar tocsaineachta béil 90 lá ar fhrancaigh, lena n-áirítear anailís séirim agus fuail; staidéar tocsaineachta béil 6 lá ar bhainbh; agus staidéar 3 seachtaine tocsaineachta béil ar bhainbh nuabheirthe.
- (9) Tar éis dó tuairim eolaíoch an Údaráis a fháil, d'iarr an Coimisiún ar an iarratasóir soiléiriú breise a thabhairt maidir leis an réasúnú a cuireadh ar fáil i dtaca lena éileamh dílseánaigh ar na sonraí ó na sonraí tréithrithe mionsonraithe maidir le tréithchineál baictéarach an táirgthe; próiseas táirgthe an bhia núiosaigh; na hanailísí ar na baisceanna éagsúla 3-FL; na tuarascálacha anailíseacha maidir le tréithriú 3-FL trí athshondas maighnéadach núicléach ("NMR") agus an 3-FL atá i mbainne an duine go nádúrtha; na tuarascálacha maidir le cobhsaíocht 3-L; na tuarascálacha measúnachta maidir le hiontógaíl 3-FL; tástáil bhaictéarach ais-sócháin; tástáil mhicreanúicléis *in vitro* i luchá; tástáil mhicreanúicléis *in vitro* ar chealla ubhagáin an hamstair Shínigh; tástáil *in vitro* saobhadh crómasóim i gcealla mamach, tástáil a rinneadh ar limfícíítí daonna; tástáil géarthocsaineachta béil ar fhrancaigh; staidéar tocsaineachta béil 90 lá ar fhrancaigh, lena n-áirítear anailís séirim agus fuail; staidéar tocsaineachta béil 6 lá ar bhainbh; agus staidéar tocsaineachta béil 3 seachtaine ar bhainbh nuabheirthe.

⁽⁷⁾ DuPont Nutrition & Biosciences ApS, 2019 (neamhfhoilsithe).

⁽⁸⁾ DuPont Nutrition & Biosciences ApS, 2019 (neamhfhoilsithe).

⁽⁹⁾ DuPont Nutrition & Biosciences ApS, 2019 (neamhfhoilsithe).

⁽⁸⁾ DuPont Nutrition & Biosciences ApS, 2019 (neamhfhoilsithe).

⁽⁹⁾ DuPont Nutrition & Biosciences ApS, 2019 (neamhfhoilsithe).

⁽¹⁰⁾ DuPont Nutrition & Biosciences ApS, 2019 (neamhfhoilsithe).

⁽¹¹⁾ DuPont Nutrition & Biosciences ApS, 2019 (neamhfhoilsithe); J. Pitt et al., 2019 Food and Chemical Toxicology, 134. [J. Pitt et al., 2019 An Bia agus An Tocsaineolaíocht Cheimiceach, 134.]

⁽¹²⁾ DuPont Nutrition & Biosciences ApS, 2019 (neamhfhoilsithe); J. Pitt et al., 2019 Food and Chemical Toxicology, 134. [J. Pitt et al., 2019 An Bia agus An Tocsaineolaíocht Cheimiceach, 134.]

⁽¹³⁾ DuPont Nutrition & Biosciences ApS, 2019 (neamhfhoilsithe); J. Pitt et al., 2019 Food and Chemical Toxicology, 134. [J. Pitt et al., 2019 An Bia agus An Tocsaineolaíocht Cheimiceach, 134.]

⁽¹⁴⁾ DuPont Nutrition & Biosciences ApS, 2019 (neamhfhoilsithe); J. Pitt et al., 2019 Food and Chemical Toxicology, 134. [J. Pitt et al., 2019 An Bia agus An Tocsaineolaíocht Cheimiceach, 134.]

⁽¹⁵⁾ DuPont Nutrition & Biosciences ApS, 2019 (neamhfhoilsithe); J. Pitt et al., 2019 Food and Chemical Toxicology, 134. [J. Pitt et al., 2019 An Bia agus An Tocsaineolaíocht Cheimiceach, 134.]

⁽¹⁶⁾ DuPont Nutrition & Biosciences ApS, 2019 (neamhfhoilsithe); J. Pitt et al., 2019 Food and Chemical Toxicology, 134. [J. Pitt et al., 2019 An Bia agus An Tocsaineolaíocht Cheimiceach, 134.]

⁽¹⁷⁾ DuPont Nutrition & Biosciences ApS, 2019 (neamhfhoilsithe).

⁽¹⁸⁾ DuPont Nutrition & Biosciences ApS, 2019 (neamhfhoilsithe).

⁽¹⁹⁾ Safety of 3-Fucosyllactose (3-FL) as a novel food pursuant to Regulation (EU) 2015/2283 [Sábháilteacht 3-Fúcaishiollachtóis (3-FL) mar bhia núiosach de bhun Rialachán (AE) 2015/2283]; EFSA Journal [Iris EPSA] 2021;19(6):6662.

- (10) Dhearbhaigh an t-iarratasóir go raibh aige, tráth déanta an iarratais, ceart dílseánaigh eisiach tagairt a dhéanamh do na staidéir faoin dlí náisiúnta agus dá bhrí sin nárbh fhéidir le tríú páirtithe rochtain dhlíthiúil a fháil ar na staidéir sin, ná úsáid a bhaint astu.
- (11) Rinne an Coimisiún measúnú ar an bhfaisnéis uile a chuir an t-iarratasóir ar fáil agus mheas sé go raibh cruthúnas leordhóthanach tugtha aige maidir le comhlíonadh na gceanglas a leagtar síos in Airteagal 26(2) de Rialachán (AE) 2015/2283. Dá bhrí sin, maidir leis na sonraí atá i gcomhad an iarratasóra, sonraí arb ar a mbonn a rinne an tÚdarás sábháilteacht an bhia núiosaigh a shuí agus a tháinig sé ar a chuid conclúidí maidir le sábháilteacht 3-FL, agus nárbh fhéidir leis an Údarás measúnú a dhéanamh ar an mbia núiosach dá n-uireasa, níor cheart na sonraí sin a úsáid chun tairbhe aon iarratasóra ina dhiaidh sin go ceann tréimhse 5 bliana ó dháta theacht i bhfeidhm an Rialacháin seo. Dá réir sin, cur ar an margadh 3-FL laistigh den Aontas, ba cheart é a bheith srianta ar feadh na tréimhse sin ionas gurb é an t-iarrthóir amháin a fhéadfaidh é a dhéanamh.
- (12) Mar sin féin, srianadh an údaraithe i leith 3-FL, sin agus srianadh an cheart tagairt a dhéanamh do na sonraí atá i gcomhad an iarratasóra ionas gur ag an iarratasóir amháin atá ag an ceart sin, ní rud é lena gcuirfear cosc ar iarratasóirí eile cur isteach ar údarú chun an bia núiosach céanna a chur ar an margadh, ar choinníoll go bhfuil a n-iarratas bunaithe ar fhaisnéis a fuarthas go dlíthiúil agus atá ina taca leis an údarú sin faoi Rialachán (AE) 2015/2283.
- (13) I gcomhréir le coinníollacha úsáide forbhianna ina bhfuil 3-FL, coinníollacha atá molta ag an iarratasóir agus atá measúnaithe ag an Údarás, tá sé riachtanach tomhaltóirí a chur ar an eolas trí bhíthin lipéad iomchuí nár cheart forbhianna ina bhfuil 3-FL a ithe agus bianna eile arna mbreisiú le 3-FL a ithe san aon lá amháin.
- (14) Ba cheart, dá bhrí sin, an Iarscríbhinn a ghabhann le Rialachán Cur Chun Feidhme (AE) 2017/2470 a leasú dá réir.
- (15) Tá na bearta dá bhforáiltear sa Rialachán seo i gcomhréir leis an tuairim ón mBuanchoiste um Plandaí, Ainmhithe, Bia agus Beatha,

TAR ÉIS AN RIALACHÁN SEO A GHLACADH:

Airteagal 1

1. 3-Fúcaishiollachtóis (3-FL) mar a shonraítear san Iarscríbhinn a ghabhann leis an Rialachán seo, déanfar í a áireamh i liosta an Aontais de bhianna núiosacha údaraithe a bunaíodh le Rialachán Cur Chun Feidhme (AE) 2017/2470.

2. Go ceann tréimhse 5 bliana ó dháta theacht i bhfeidhm an Rialacháin seo, is é an t-iarratasóir tosaigh amháin:

Cuideachta: DuPont Nutrition & Biosciences ApS;

Seoladh: Langebrogade 1, 1001 Cóbanhávan K, an Danmhairg,

a bheidh údaraithe an bia núiosach dá dtagraítear i mír 1 a chur ar an margadh laistigh den Aontas, ach amháin má fhaigheann iarratasóir ina dhiaidh sin údarú i dtaobh an bhia núiosaigh sin gan tagairt do na sonraí atá faoi chosaint de bhun Airteagal 2 nó le comhaontú ón iarratasóir tosaigh.

3. An iontráil i liosta an Aontais dá dtagraítear i mír 1, áireofar inti na coinníollacha úsáide agus na ceanglais lipéadaithe a leagtar síos san Iarscríbhinn.

Airteagal 2

Na staidéir atá sa chomhad iarratais, staidéir arb ar a mbonn a rinne an tÚdarás an bia núiosach dá dtagraítear in Airteagal 1 a mheas, staidéir ar mhaigh an t-iarratasóir gur staidéir dhílseánaigh iad agus nach bhféadfaí an bia núiosach a údarú dá n-uireasa, ní úsáidfear iad chun tairbhe iarratasóra ina dhiaidh sin go ceann tréimhse 5 bliana ó dháta theacht i bhfeidhm an Rialacháin seo gan comhaontú ó DuPont Nutrition & Biosciences ApS.

Airteagal 3

Leasaítear an Iarscríbhinn a ghabhann le Rialachán Cur Chun Feidhme (AE) 2017/2470 i gcomhréir leis an Iarscríbhinn a ghabhann leis an Rialachán seo.

Airteagal 4

Tiocfaidh an Rialachán seo i bhfeidhm an fichiú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil, 19 Samhain 2021.

Thar ceann an Choimisiúin
An tUachtarán
Ursula VON DER LEYEN

Leasaítear an Iarscríbhinn a ghabhann le Rialachán Cur Chun Feidhme (AE) 2017/2470 mar a leanas:

1. i dTábla 1 (Bianna núíosacha údaraithe), cuirtear an iontráil seo a leanas isteach:

"Bia núíosach údaraithe"	Coinníollacha faoina bhféadfar an bia núíosach a úsáid		Ceanglais shonracha bhreise maidir le lipéadú	Ceanglais eile	Cosaint Sonraí
3-Fúcaishiollachtóis (3-FL) (foinse mhiocróbach)	<i>Catagóir bia shonraithe</i>	<i>Uasleibhéil</i>	Is é "3-Fúcaishiollachtóis" ainmniú an bhia núíosai gh a bheidh ar lipéadú earraí bia a bhfuil sé iontu. Ar an lipéadú a chuirtear ar fhorbhianna ina bhfuil 3-Fúcaishiollachtóis (3-FL) beidh ráiteas á rá: a) nár cheart iad a ithe má itear bianna eile ina bhfuil 3-Fúcaishiollachtóis an lá céanna. b) nár cheart do naíonáin ná do leanaí faoi bhun 3 bliana d'aois iad a ithe		Údaraithe an 12 Nollaig 2021. Tá an cuimsiú sin bunaithe ar fhianaise eolaíoch dhílseánaigh agus ar shonraí eolaíocha atá faoi chosaint i gcomhréir le hAirteagal 26 de Rialachán (AE) 2015/2283. Iarratasóir: DuPont Nutrition & Biosciences ApS Langebrogade 1, DK-1001 Cóbanhávan K, an Danmhairg. Is é DuPont Nutrition & Biosciences ApS amháin atá údaraithe chun an bia núíosach 3-fúcaishiollachtóis a chur ar an margadh laistigh den Aontas le linn na tréimhse cosanta sonraí, ach amháin má fhaigheann iarratasóir ina dhiaidh sin údarú i dtaobh an bhia núíosai gh gan tagairt don fhianaise eolaíoch dhílseánaigh nó do na sonraí eolaíocha atá faoi chosaint i gcomhréir le hAirteagal 26 de Rialachán (AE) 2015/2283 nó le comhaontú ó DuPont Nutrition & Biosciences ApS. Dáta deiridh na cosanta sonraí: 12 Nollaig 2026"
	Táirgí bainne paisteartha neamhbhlaistithe agus táirgí bainne steirilithe neamhbhlaistithe (lena n-áirítear UHT)	0,85 g/L			
	Táirgí bainnebhunaithe coipthe neamhbhlaistithe agus blaistithe, táirgí teaschóireáilte san áireamh	0,5 g/L (deochanna)			
		5,0 g/kg (táirgí nach deochanna iad)			
	Análóga déiríochta	0,85 g/L (deochanna)			
		8,5 g/kg (táirgí nach deochanna iad)			
	Deochanna blaistithe, deochanna fuinnimh agus deochanna spóirt	1,0 g/L			
	Barraí gránaigh	30,0 g/kg			
	Bainne foirmle do naíonáin mar a shainmhínítear faoi Rialachán (AE) Uimh. 609/2013	0,85 g/L sa táirge deiridh atá réidh le húsáid, táirge a mhargaítear sa riocht sin nó a athbhunaítear de réir mar a threoraíonn an monaróir			
	Bainne foirmle leantach mar a shainmhínítear faoi Rialachán (AE) Uimh. 609/2013	0,85 g/L sa táirge deiridh atá réidh le húsáid, táirge a mhargaítear sa riocht sin nó a athbhunaítear de réir mar a threoraíonn an monaróir			
	Deochanna bainnebhunaithe agus táirgí comhchosúla le haghaidh leanaí óga	0,85 g/L (deochanna) sa táirge deiridh atá réidh le húsáid, táirge a mhargaítear sa riocht sin nó a athbhunaítear de réir mar a threoraíonn an monaróir			

Bia gránachbhunaithe próiseáilte agus bia do naíonáin agus do leanaí óga mar a shainmhínítear faoi Rialachán (AE) Uimh. 609/2013	0,3 g/L (deochanna) sa táirge deiridh atá réidh le húsáid, táirge a mhargáitear sa riocht sin nó a athbhunaítear de réir mar a threoraíonn an monaróir			
	3,0 g/kg le haghaidh táirgí nach deochanna iad			
	2,0 g/L (deochanna)			
	30,0 g/kg (táirgí nach deochanna iad)			
Bianna ionadacha ar an aiste bia iomlán chun meáchan a rialú mar a shainmhínítear faoi Rialachán (AE) Uimh. 609/2013				
Bia chun críoch speisialta míochaine mar a shainmhínítear faoi Rialachán (AE) Uimh. 609/2013	I gcomhréir le ceanglais shonracha chothaithe na ndaoine a gceaptar na táirgí dóibh			
Forbhianna mar a shainmhínítear i dTreoir 2002/46/CE, cé is moite d'fhorbhianna le haghaidh naíonán agus leanaí óga	5,0 g/lá			

2. i dTábla 2 (Sonraíochtaí), cuirtear an iontráil seo a leanas isteach:

"Bia Núíosach Údaraithe"	Sonraíocht
3-Fúcaishiollachtóis ("3-FL") (foinse mhiocróbach)	Tuairisc: Is púdar idir bán agus neasbhán é 3-Fúcaishiollachtóis (3-FL) a tháirgtear trí choipeadh miocróbach agus ina bhfuil leibhéil theoranta D-lachtóis, L-fhúcóis, D-ghalachtóis agus D-ghlúcóis. Foinse: Tréithchineál géinmhodhnaithe de <i>Escherichia coli</i> K-12 Sainmhíniú: Foirmle cheimiceach: C₁₈H₃₂O₁₅ Ainm ceimiceach: β-D-galactopioranóisil-(1 → 4)[-α-L-fúcaipioranóisil-(1 → 3)]-D-glúcaipioranós Mais mhóilíneach: 488,44 Da Uimh. CAS 41 312-47-4 Saintréithe/Comhdhéanamh: 3-Fúcaishiollachtós (% d'ábhar tirim): ≥ 90,0 % (meáchan/meáchan) D-Lachtóis (% d'ábhar tirim): ≤ 5,0 % (meáchan/meáchan) L-Fhúcóis (% d'ábhar tirim): ≤ 3,0 % (meáchan/meáchan) Suim D-Ghalactós/D-/D-Ghlúcós (% d'ábhar tirim): ≤ 3,0 % (meáchan/meáchan) Suim na gcarbaihiodráití eile^a (% d'ábhar tirim): ≤ 3,0 % (meáchan/meáchan)

	Taisleach: ≤ 5,0 % (meáchan/meáchan) pH (20 °C, tuaslagán 5 %): 3,0 -7,5 Próitéin iarmharach: ≤ 0,01 % (meáchan/meáchan) Luaith (%): ≤ 0,5 Miotail throma/Éilleáin: Arsanaic: ≤ 0,2 mg/kg Caidmiam: ≤ 0,05 mg/kg Luaidhe: ≤ 0,05 mg/kg Mearcair: ≤ 0,1 mg/kg Aflatocsain M1: ≤ 0,025 µg/kg Aflatocsain B1: ≤ 0,1 µg/kg Iontocsainí iarmharacha: ≤ 0,3 EU/mg Critéir mhicribhitheolaíocha: Líon iomlán na bplátaí: ≤ 1 000 CFU/g <i>Enterobacteriaceae</i>: Neamhláithreacht in 10 g <i>Salmonella</i> sp.: Neamhláithreacht in 25 g <i>Cronobacter (Enterobacter) sakazakii</i>: Neamhláithreacht in 10 g <i>Listeria monocytogenes</i>: Neamhláithreacht in 25 g <i>Bacillus cereus</i>: ≤ 10 CFU/g Giosta: ≤ 100 CFU/g Múscán: ≤ 100 CFU/g CFU: Aonaid Déanta Coilíneachta; EU: Aonaid Iontocsaine; “Suim na gcarbaihiodráití eile: Isiméir 3-Fúcaishiollachtóis, isiméir défhúcaishiollachtóis agus olagaiméirí”
--	---